



**PEKELILING
SURUHANJAYA PENGANGKUTAN AWAM DARAT
BIL. 6 TAHUN 2012**

**GARIS PANDUAN PENYEDIAAN BAS EKSPRES TAMBAHAN
PADA MUSIM PERAYAAN AIDILFITRI 2012**

**SURUHANJAYA PENGANGKUTAN AWAM DARAT
SEmenanjung MALAYSIA**

TARIKH: 28 JUN 2012

Semua Pengusaha Bas Semenanjung Malaysia

GARIS PANDUAN PENYEDIAAN BAS EKSPRES TAMBAHAN PADA MUSIM PERAYAAN AIDILFITRI 2012

TUJUAN

Pekeliling ini bertujuan untuk memaklumkan garis panduan bagi penyediaan bas ekspres tambahan sempena perayaan Aidilfitri 2012.

LATAR BELAKANG

2. Suruhanjaya Pengangkutan Awam Darat (SPAD) akan mengeluarkan Lesen Perubahan Sementara (LPS) bagi penggunaan bas ekspres tambahan untuk keperluan orang ramai pada musim perayaan Aidilfitri 2012. Syarikat bas ekspres hendaklah memohon LPS untuk menggunakan bas ekspres, bas sekolah, bas pekerja, bas catar dan bas berhenti-henti sebagai bas tambahan.
3. Permohonan LPS untuk musim perayaan dibuka mulai 16 Julai 2012 sehingga 10 Ogos 2012.
4. Hari Raya Aidilfitri dijangka akan disambut pada 19hb dan 20hb Ogos 2012. Dengan yang demikian tempoh LPS bermula dari 13 Ogos 2012 sehingga 2 September 2012.
5. SPAD membenarkan bas ekspres dan bas ekspres tambahan beroperasi berdasarkan Laluan Terbuka.

GARIS PANDUAN PERMOHONAN

6. Garis panduan permohonan LPS adalah seperti berikut:

- (i) **Permohonan LPS hendaklah dibuat oleh syarikat bas ekspres** yang juga bertanggungjawab dalam penjualan tiket-tiket bas tambahan di kaunter tiket;
- (ii) Setiap **borang permohonan hendaklah ditaip** dengan kemas. Borang tulisan tangan akan ditolak (salinan Borang Permohonan LPS seperti di Lampiran dan boleh dimuat turun di www.spad.gov.my);
- (iii) **Permohonan hendaklah dikemukakan ke Pejabat SPAD sahaja.** (JPJ tidak dibenarkan untuk memproses permohonan LPS pada musim perayaan);
- (iv) **Kadar bayaran** bagi setiap permohonan LPS ialah sebanyak **RM20.00**;
- (v) **Menyertakan contoh tiket bas ekspres** bersama-sama borang permohonan; dan
- (vi) **Warna borang permohonan** seperti berikut:

Bil.	Jenis Borang	Warna
1.	Borang LPS Musim Perayaan	Hijau
2.	Borang LPS Sewa Khas Musim Perayaan	Biru

SYARAT BAS EKSPRES TAMBAHAN

7. Syarikat bas ekspres yang mengendalikan bas ekspres tambahan hendaklah mematuhi syarat-syarat berikut:

- (i) Bagi bas yang berusia 12 hingga 15 tahun dibenarkan perjalanan tidak melebihi 300 km sehala. Bas-bas yang berusia kurang 12 tahun tiada had jarak perjalanan ditetapkan;
- (ii) Mempunyai cukai jalan dan perlindungan insuran mengikut Bahagian IV 90 dan 91 Akta Pengangkutan Jalan 1987;
- (iii) Bas ekspres tambahan hendaklah mengambil penumpang di terminal bas ekspres atau di kawasan operasi bas ekspres yang dibenarkan;
- (iv) Pemandu kedua dan Buku Log mesti disediakan bagi perjalanan melebihi 300 KM sehala atau pemanduan berterusan selama 4 jam;
- (v) Mengenakan kadar tambang bas ekspres yang sedang berkuatkuasa dengan caj tambahan (caj raya) sebanyak 10% daripada harga tiket. Bagi syarikat bas ekspres, hanya bas-bas yang disediakan sebagai bas tambahan sahaja dibenarkan mengenakan caj tambahan ini.
- (vi) Mempamerkan pengenalan bas ekspres tambahan seperti nombor trip, destinasi dan nama syarikat bas ekspres pada cermin hadapan bas;
- (vii) Mempamerkan kelulusan LPS di dalam bas bagi tujuan pemeriksaan;
- (viii) Menyatakan maklumat berikut pada tiket bas tambahan:
 - (a) Bas Ekspres Tambahan;
 - (b) Kadar Caj Tambahan 10%;
 - (c) Nama Terminal Bas; dan
 - (d) Nombor Trip.

TERMINAL-TERMINAL BAS PADA MUSIM PERAYAAN

8. Terminal bas ekspres dan bas tambahan bagi musim perayaan Aidilfitri 2012 adalah seperti berikut:

- (i) Hentian Putra dan Hentian Pekeliling bagi perjalanan ke Timur;
- (ii) Pudu Sentral dan Hentian Jalan Duta bagi perjalanan ke Utara;
- (iii) Terminal Bersepadu Selatan bagi perjalanan ke Selatan; dan
- (iv) Lain-lain terminal seperti ditetapkan oleh JPJ.

PERINGATAN

9. Berdasarkan AKTA PAD 2010, semua syarikat bas ekspres diarahkan supaya menjual tiket bas di kaunter tiket masing-masing. Arahan ini bertujuan untuk melindungi pengguna serta mengekang kegiatan ulat tiket. Tindakan tegas termasuk menggantung dan membatalkan lesen akan diambil terhadap mana-mana syarikat yang gagal mematuhi arahan ini.

TARIKH KUATKUASA

10. Pekeliling ini berkuatkuasa mulai tarikh dikeluarkan.

“BERKHIDMAT UNTUK NEGARA”

“RAKYAT DIDAHULUKAN, PENCAPAIAN DIUTAMAKAN”



YB TAN SRI DATO' SERI SYED HAMID BIN SYED JAAFAR ALBAR
Pengerusi
Suruhanjaya Pengangkutan Awam Darat (SPAD)

28 JUN 2012